

QVÆSTIO MEDICA

QVODLIBETARIIS DISPVATIONIBVS MANE DISCVTIENDA

IN SCHOLIS MEDICORVM DIE IOVIS 28. FEBRVARII.

M. DOMINICO DE FARCY Doctore Medico Præfide.

Est-ne femina viro salacior?

COEVS est, qui virum & mulierem ejusdem naturæ participes esse non deprehendit. Cæcior adhuc multò, qui quantum inter se differant non animadvertit. Præ cæteris animantibus formâ conspicuus est homo. In illius tamen formâ dignitas inest, in hujus venustas. Decora utriusque species est. Mascula quidem formosa & illustris, verùm fœminea cum quadam coloris suavitate affusam habet oculis & emicantem in ore toto gratiam, quæ perstringit simul & invitat aspectus. Conferatur virile corpus muliebri, longè procerius reperietur; quidni & robustius? Quod rigidioribus ossibus est innixum, valentioribus & stri-
gioribus articulis firmatum, carne coagmentatum compaciore, validioribusque fibris & tendinibus cancellatim reticulatâ. Dispari quoque temperie gaudent. Quæ maris est, ignem & terram redolet; quæ fœminæ, aërem & aquam: hinc ille calidior & ficcior; hæc frigidior & humidior: ille rudi & aspero contactu, hæc blando, leni, lævique & æquabili. Per patentes cutis illius poros nonnisi acria & mordacia erumpunt; hujus blanda & suavia: illius caloris acrimonia tangentem ferit; hujus lenitas demulcet.

MAGNUM est inter plantas (& si vis metalla & lapides) ratione sexus discrimen. Majus inter animantes. Maximum inter homines. Primum nonnisi peritioribus agricolis & metallicis planum. Alterum non cuilibet primâ fronte pervium: sed ut dignoscatur, investigatione indiget. Ultimum se se ultrò oggerit: adeo vultu dissimiles sunt vir & mulier; status corporis in utroque dispares; partium genitalium structura alia atque alia Fabula est, Androgynum dari ex tam dissimilibus conflatum. Illusio, Hermaphroditam fulcum & vomerem habere ad arandum aptum. Commentum, mulieres in mares converti. Inscitia, asserere generationis instrumenta naturâ eadem, situ diversa. Nonnisi ab his quæ prorsus aliena sunt, quæque aliter & aliter esse non possunt, pender sexus. Hinc naturâ etiam ipsâ jubente, in tam contraria studia scin-
ditur vir & mulier, ut alter laborare exoptet, altera recuset: alteri continuò intestina crepent, nulla crepente alteri: non dubitet alter committere se periculo mortis, altera reformidet.

SALACIVM fatum est, inclinatione voluntatis propendere in venerem. Vis & facultas, posse occasione datâ citiùs, frequentius, & cum minori detrimento Hymenæum celebrare. Prærogativa, præstitu-
tum tempus Clinopales antevertere. Privilegium, ex ipsâ luctatione amatoriâ majorem in animo lætitiâ, & suaviorem jucunditatis commotionem in corpore percipere. Vt eâ sit constitutione corporis homo, frustra artis & consuetudinis imploratur auxilium. Longè plura, eaque præstantiora quàm in hoc negotio utraque præstare potest, requiruntur. Totum est hoc naturæ commissum officium; quæ sola novit mo-
dum, quo ea ex quibus constamus ita congruant inter se, ut adfit calida & humida corporis temperatio, salacitatis omnis inexhaustum penu; statura, contractam inter & extensam media; æstuantia calore ge-
nerationis organa; intus potiùs recondita, quàm prominentia foris; generis omnis vasa, crebra, multaue intexta, non quidem flexuosa & intorta, sed recto tramite ducta, quæ tantum Aphrodisiasmum pro-
movere valeant, quantum illa retardare.

RARA avis, frigida mulier. Frequens, vir veneris impotens. In promptu res est, à naturâ habet potiora (quibus caret hic) libidinis adjumenta. Corpus blando & halituoso calore perfusum, copiosi hu-
moris fœturâ turgidum, multitudo cæcorum cutis spiraculorum non enervatum, ob proceritatem non elumbe; sed convenientissimo partium commensû vividum. In genitali mulieris arvo ardet continuò focus: cui temperando nedum restinguendo ni providisset natura, assiduo per circuitus redeunte sanguinis profluvio, brevi medios inter ignes animam exhalaret: inter quos suis conceptaculis conclusus genia-
lis humor, adeo catullit, titillat, & prurit, ut nullo puncto temporis intermisso, vel invitata ad amplexus sollicitet: his celerius, frequentius, & cum minori virium jacturâ porituræ, quantò paucioribus gyris
& anfractibus intorta sunt ipsius vasa seminalia quàm viris; quibus diversi atque multiplices eorumdem vasorum flexus & meandri, validos contra libidinis imperus frænones injiciunt.

OBLITAM sui mulierem faciliùs reperias, quàm salacitatis. Exlex est & ἀλογος in eâ libido quæ statim expleri cupit, nec patitur moras. Aftanasæ sunt, quarum lascivia novos concubitûs modos quotidie com-
miniscitur. Non desunt & Messalinæ, quæ resupine jacentes absorptis multorum icibus lassatæ quidem viris, sed non satiata recedunt. Nec infrequentes Dionysiæ, quarum in octavâ lascivia surgere messe
cœperat, & dulces fingere nequitias. Inclamantes etiam sæpius audiuntur Quartille, lunonem meamiraram habeant, si unquam me meminerim virginem. Quid plura? Mulieribus datum genialibus in ludis
flamma, veneris aliud unde continuò nutriatur pabulum semper arcescit vorax.

Est ergo femina viro salacior.

DOMINI DOCTORES DISPVATVRI.

M. Nicolaus Bonvarlet.
M. Nicolaus Rainfant, Scholæ Professor.
M. Ioannes Grout.

M. Antonius Ruffin.
M. Petrus Pourret.
M. Antonius de Caën.

M. Germanus Preaux.
M. Franciscus Blondel.
M. Iacobus Menet, rei Herbariæ Professor.



Proponebat Lutetiæ CLAVDIVS DE QVANTEAL Castelliosequaneus, A. R. S. H. M. DC. LXIX.